

- micilium. A te expansum Universum, o infinitis formis prae-
39. dite! Aër, Yamas, Ignis, Varunas, Lunus, animantium
sator tu, proavusque. Salve, salveto millies! iterumque de-
40. nuo salve, salveto! Salvere a fronte, deinde a tergo te iu-
beo, et undecunque, o Universe! Infinita vi, immensa po-
tentia praeditus tu universum perficis, ideoque es universus.
41. Quum sodalem te arbitrarer, vehementer quodcunque dic-
tum: »Heus, Krishna! heus, Iaduis proles! heus tu, amice!«
a me ignorante maiestatem tuam istam, temere vel prae stu-
42. dio etiam; et quacunque in re iocandi gratia minus ho-
norifice a me habitus es in ambulando, decumbendo, con-
sidendo vel epulando, sive secreto, innocue, sive hisce co-
43. ram: eius veniam exoro a te ego immenso. Pater es tu
huius mundi mobilis immobilisque, venerandusque magister
gravissimus: haud tui par exstat, quomodo tandem superior
alius quisquam vel in mundo tergemino, o unice praepol-
44. lens? Ideo venerabundus, prostrato corpore, oro ego te ut
mihi faveas, dominum laudibus celebrandum. Ceu patrem
filio, ceu amicum amico, ceu amantem amatae te decet mihi,
45. Dive, indulgere. Nunquam antea visum miraculum con-
spicatus, laetitia perfusus sum, simulque pavore perculsus
animus meus. Istam mihi visendam exhibe, Dive, formam!
46. Fave mihi, Deorum domine, mundi columen! Tiaratum,
clavigerum, discophorum, cupio equidem te perinde cernere.
Illam ipsam formam quadribrachiam assume, o mille brachiis
praedite! omniformis!

ALMUM NUMEN loquitur:

47. A me propitio tibi, o Arjuna, forma illa praestantis-
sima mea exhibita est, per virtutem mysticam, quae mihi